

# SPORTverslag

## Liga volgende naweek

*Nog plek oop*



Die AP kerk van Heilbron hou môre hulle jaarlikse gholfdag as deel van hulle jaarlikse fondsinsameling vir die kerk.

Die broers en susters van die gemeente werk elke jaar hand-aan-hand om die dag 'n sukses te maak en hierdie jaar sal dit ook geen uitsondering wees nie. Daar is sowat R10 000 se vleispryse op die spel en as jy goed kan korrel en 'n putjie in een speel is 'n speenkalf jonne. Daar is nog plekke oop, skakel gerus die organiseerders of klub om in te skryf.

Die liga manne speel volgende naweek op Kestell, hulle hoop om voort te bou op die vorige wen.

Verlede Saterdag het Julyan Bruyns na 'n uittel teen Leonard Strydom die April HBA Mug gewen. Hulle het twee houe aan baansyfer afgestaan. Willie Pretorius speel steeds konstante gholf, hy eindig derde met 'n 75 netto.

Volledige inligting oor AP kerk gholfdag sal binnekort aan spelers op groepe gedeel word.



Noord-Vrystaat provinsiale span gereed vir aksie.

## Jong spelers maak hul merk

Die afgelope skoolvakansie het 'n groot groep jong rolbalspelers deelgeneem aan die jaarlikse Provinsiale Rolbal toernooi wat vanaf 26 – 29 Maart in Bloemfontein plaasgevind het.

Hierdie toernooi is met groot sukses aangebied waar spelers van o/15 en o/20 bewys het dat rolbal as spel nie meer beskou kan word as "oumens albasters" nie. Suid-Afrikaanse rolbal is verdeel in 20 provinsiale distrikte, die distrikte is ook verder verdeel in sub-distrikte byvoorbeeld Noord-Vrystaat bestaan uit Goudveld, Riemland en Valsrivier. Heilbron, Koppies, Vredefort, Steynsrus en Kroonstad is deel van Valsrivier sub-distrik. Noord Vrystaat se o/15 span het bestaan uit spelers van Kroonstad, Warden en Hennenman. Die jongste speler in die span was slegs 11 jaar oud terwyl die gemiddelde ouderdom van die span net 'n raps meer as 12 jaar was. Ter inligting, 'n span bestaan uit vier spelers met 'n vyfde speler as reserve.

Met ander woorde 80 spelers jonger as 15 jaar het aan hierdie toernooi deelgeneem. 16 van die 20 distrikte, het aan die toernooi deelgeneem en Noord-Vrystaat se span behaal 'n uitstekende sesde plek.

In ag genome dat Noord-Vrystaat op hierdie stadium slegs 10 spelers jonger as 15 jaar het, is dit 'n besondere prestasie aangesien hulle moes meeding teen groot distrikte soos Gauteng, Gauteng-Noord, Limpopo en Ekurhuleni. Tans het Noord-Vrystaat tien spelers jonger as 15 jaar, 12 spelers jonger as 20 en 15 spelers jonger as 30 jaar.

Die doelwit van Rolbal Suid-Afrika asook die onderskeie distrikte en klubs is om rolbal as sport te bevorder en aan so veel as moontlik mense bekend te stel. "Bowls for all ages and skill levels".

Woon gerus die Heilbron Rolbalklub by op Woensdae en Saterdag om 13:30. Vir meer inligting, kontak Gerald Rademeyer, 082 318 3965.

## Ruiters maak litte los

Heilbron Ruiterklub se maand ritte is elke keer 'n spesiale geleentheid, en word daar deur lede baie moeite gedoen om seker te maak dat dit elke keer 'n genotvolle ervaring is.

So was dit dan nou weer die geval met die dorpsrit wat Saterdag plaasgevind het. Die rit het onder andere ook Gideon en Anet se plaas oorkruis, waar +- 21 ruiters bederf was met heerlike gemmerbier en paaseiers.

Ruiter en perd het ook die geleentheid gehad om aan die einde van die rit lekker af te koel in die dam by RSA Grain & Seed. Soos gewoonlik is daar na die rit weer lekker saamgekuier rondom die braaivleisvure.

Die volgende rit word op 27 April 2019 deur Faans en Dia aangebied, meer besonderhede oor hierdie rit sal nader aan die tyd deurgegee word.



Op die foto: 'n Pragtige selfie van die gasheer en gasvrou van die rit, Willem en Marilize Lootz.

## Frankfort Rugbyklub is lus vir die seisoen

Frankfort moes verlede jaar die knie buig in die finaal, maar dit is 'n nuwe seisoen met nuwe planne, vars bloed en baie gees.

Die manne oefen al 'n paar weke en lyk dit of Frankfort hierdie jaar 'n grote wil maak. Volgens JD Steyn, afrigter en voorsitter van die klub, is die gees reg en die span loop oor van talent. Die eerste been van die Oos-Vrystaat liga skop Vrydag af op Heilbron om 20:00 wanneer Frankfort teen Qwa-Qwa speel by Hoërskool Heilbron se sportvelde.

Fanie van der Merwe se ervaring sal deurslaggewend wees in sy rol as kaptein van die Frankfort span. JD is 'n jong afrigter met vars idees en geesdrif – dit kan ook vanjaar 'n verskil maak. Die wat nog belangstel om saam te kom oefen kan gerus by hulle aansluit, oefeninge is Maandae en Woensdae aande, skakel gerus vir Jaco, die spanbestuurder (0716730745).

Heilbron het ongelukkig nie meer hul eie rugbyklub nie, daarom het talle Heilbron-spelers by die Frankfort-span aangesluit.



Die manne aan stuur van sake vanjaar by Frankfort Rugbyklub vl: Jaco Saaman (Klubbestuurder), Fanie van der Merwe (Kaptein) en JD Steyn (Voorsitter en Afrigter)

### Ons hoor graag van jou

Raak deel van ons lekker-lees gemeenskapskoerant en stuur jou foto van groot mylpale wat bereik is, in. Ons plaas graag jou foto. Vir enige nuus wat jy graag met die lesers wil deel, kontak Jolandri kantooreure by 058 8523 033. [heraldnuus@heilbron.co.za](mailto:heraldnuus@heilbron.co.za)

### BKB Louwid NOORD

Die komende week se BELANGRIKSTE veulings

**DINSDAG - 9 APRIL 2019**

VEREENIGING Weeklikse veuling  
Kontak Jan-Hendrik Muller 072 512 2617

KLERKSDORP Weeklikse veuling  
Kontak Fanie Nel 083 325 3066

**WOENSDAG - 10 APRIL 2019**

HEILBRON : RIFMANN SAAM TEFERSGROEP  
461 SAVM skape  
11:00, Heilbron gholfklub  
Kontak Piet Bezhuif 082 210 7138

**DONDERDAG - 11 APRIL 2019**

FRANKFORT Weeklikse veuling  
Eddie Muller 082 926 2219  
KROONSTAD Weeklikse veuling  
Kontak Rudy van der Westhuizen 079 418 4289

**VRYDAG - 12 APRIL 2019**

STANDERTON Weeklikse veuling  
Kontak Erik Heymans 083 254 5177  
POTCHFSTROOM Weeklikse veuling  
Kontak Selly de Villiers 073 018 4958

www.blrb.co.za  
BKB Louwid NOORD 2005/0026123/07  
Posbus 220, Frankfort, 9830  
Tel: (058) 813 1071. Faks: (058) 813 2312  
e-pos: frankfort@bkleuwid.co.za

